

類

焦

類雋卷第二十八

勾吳盧升鄭若庸纂輯

山東按察司副使古虞百樓鍾

穀書纂輯校閱

戶部陝西司主事西蜀少川王用楨

戶部福建司主事古粵礪山鍾昌

工部營繕司員外四明夢韓張大器

同閱

臨清州知州古完呂珩校正

太學生汪珙校梓

果實類

杏

歲星

典術云歲星者歲星之精也

歲星

雜記云上林苑有文杏謂有文華也

秋 師曠

占云杏多實者來年秋

補田 四民月令

云三月杏花盛時種白沙縣土之田

研盛 玉燭

寶典云寒食研杏仁爲酪

杏園 述異

記云杏園洲在南海中多平云仙

時嘗有人舟行過風泊此洲五六月日食杏

免死又云洲中有水

地理志

云在靈宅

在湖中有海杏大如拳也

山游經

云靈山

之下其木多杏。**絃歌**莊子云孔子游淄維之林
休坐杏壇之上弟子讀書絃歌鼓琴。**還生**北史
云張元性廉潔南鄰有杏兩枝杏熟多落元園
中元悉以還主

柰

嘉柰晉起居注云嘉柰一蒂十五實或七實出
酒泉。**白柰**續仙傳云謝玄卿遇神仙設玄洲白
柰赤白廣志云酒泉有赤柰張掖有白柰。**上林**
西京雜記云上林苑有白柰紫柰綠柰。**古近**伽

藍記云白馬寺柰實重七斤至熟時常取之或
賜官人轉遺親戚以爲奇異得者不敢輒食乃
歷數家**脂衣**西京雜記云漢時紫柰大如升曰
脂衣柰核紫花青研之有汁可染或着衣不可
浣也**抱樹**孝子傳云王祥字休徵後母庭中有
柰樹使祥守驅鳥雀時雨忽至祥中夜抱樹至
曙**不顧**三國典略云楊愔四世同居庭有柰實
落地羣兒咸爭取愔獨坐不顧季父見之曰此
兒恬淡有我風**素質**潘安仁云成都貴素質酒

泉稱曰麗紅紫奪夏藻栽芳掩春蕙**輕龍**杜甫
云輕龍熟香柰

桃子

水精

典術云桃者五木之精能厭伏邪氣制百

鬼今人作桃符著門此仙木也

玉衡

春秋運斗

樞云玉衡星散爲桃

度索

山海經云東海上度

索山有大桃樹屈蟠三千里

醜核

爾雅云桃李

醜核

實實

詩云桃之天天有實其實注實實盛

膽之

禮記云桃曰膽之注擇取美者

不祭

家語

云六果桃爲下祭祀不用不登郊廟此言祭祀不用而已

五沃

管子云五沃之土其木宜桃

偏

桃

南蠻志云波斯國有波淡樹六丈圍十之一

三月開花白色實如桃而形偏謂之偏桃苦澁核中仁子甘美可啖西域諸國共珍之

夏菴

韓

詩外傳云春樹桃李夏得其蔭秋得其實

旄櫟

爾雅云旄冬桃櫟山桃也

勾鼻

鄒中記云石虎

苑中有勾鼻桃重二斤半

金桃

國史補云貞觀

中康國獻黃桃大如雞卵色如金亦呼金桃

變

右

南康記云南康山上有石桃相傳古有寒桃

鑒嶺巔人取其子遂變成石

桃梟

本草云桃梟

主殺百鬼精物桃梟木上槁桃也

桃

漢書云

桃李不言下自成蹊

鬼智

莊子云插桃枝於戶

連枝其下童子不畏而鬼畏之是鬼智不如童

子也

雪賤

韓子云魯哀公賜孔子桃與黍孔子

先飯黍後食桃公曰以黍雪桃爾對曰黍五穀

之長桃六果之下君子不以貴雪賤

殺士

晏子

春秋云公孫核田開疆古冶子事齊景公勇而

無禮公患之晏于言於公請公饋之二桃曰三
于計功食三于爭功皆反桃自殺**泛梗**說苑云
孟嘗將入秦客有諫曰臣過淄水上見土偶人
方與木梗人語木梗謂土偶曰今大雨至于必
沮壞應曰我西岸土 我沮則復吾真耳于
東園之桃也刻于爲梗水潦至必浮于泛泛乎
不知所極矣孟嘗君乃不行**食餘**韓子云彌于
瑕有寵於衛食桃而甘以其半啖君曰愛我哉
忘其口而啖寡人後彌于得罪君曰是嘗啖我

餘桃

剖腹

汲冢周書云秦史趙凱以私恨告國

民吳且生盜食宗廟御桃且生對曰民不敢食

王曰剖其腹出其桃

留核

漢武故事云西王母

降獻帝桃七枚帝欲留核種之母笑曰此桃三

千年生華三千年結實人壽幾何帝乃止

三竊

漢武故事云東郡獻短人帝呼東方朔至短人

指曰王母種桃三千歲一實此子不良已三竊

之

瓊實

幽明錄云漢永平中劉晨阮肇共入天

台山迷失道糧盡得山上數桃啖之遂不飢下

山一大溪邊二女姿質妙絕因要還家勅婢云
劉阮二郎向雖得瓊實猶尚虛憊可速作食遂
留半載求歸子孫七世矣續通列仙傳云緱山
多桃萹由嘗刻木作羊騎之入緱山玉侯追之
得桃食皆得仙鬼樽甄異傳云譙郡夏侯文規
亡後見形還家經庭前桃樹婦見之曰人言亡
者畏桃君何不畏邪答曰桃樹東南枝二尺八
寸向日者鬼憎之服膠神仙傳云高丘公服桃
膠得仙柳樹列仙傳云沛人張陵弟子趙升就

陵受學陵與諸弟子登雲臺山巔厓下石望有
桃樹旁生

李

木子

紫問云酸李東方之果木子也故其字從

木從子性頗難老老雖轉枯子亦不細**九標**承

平舊纂云蕭瑀陳叔達於龍昌寺看李花相與

論李有九標謂香雅細淡潔密宜月夜宜綠鬢

泛酒無異色皆實事**歲稂**監鐵論云桃李實多

者來歲爲之穰**元嘉**周處風土記云南居細李

四月先熟荊州記房陵南居皆有名李**春實****廣**
忠云鄴園有春李冬華春實**東苑**張華云朱李
生東苑甘瓜出西郊**朱李**述異記云房陵朱仲
有李園三十六所**金李**述異記云杜陵有金李
綺李西京雜記云上林苑有紫李青房李綺李
如瓶漢武內傳李少君云鍾山之李其大如瓶
王李抱朴子云五原蔡緹入山還語家人云到
崑崙山有王李形不異常產者但光明洞徹而
堅以五井水洗之便軟而可食**旗蒲**西京雜記

云上林苑有顏淵李出魯國

韓終

洞冥記云琳

國有玉葉李五千年一熟仙人韓終服之一名

韓終李

整冠

古詩云君子防未然不虞城郭

瓜田不納履李下不整冠

蠶食

孟子云陳仲子

三日不食井上有李蠅食實者過半匍匐往將

食之

玄雲

王褒內傳云五雲丹山上有玄雲李

食之得仙

代續

晉書云和嶠性儉家有好李諸

弟往園中食者皆計核資錢帝求之不過數十

其婦弟王濟因其出率少年持斧斤詣園飽啖

畢伐樹而去

王華

唐書云貞觀中王華宮李樹

連理隔澗合枝

無蹊

唐書云李又與選請謁不

行時人語曰李下無蹊徑

鑽核

世說云王安豐

有好李常賣之恐人得其種乃先鑽其核

不顧

世說云王戎年七歲見道旁李樹其子滿枝諸

小兒競折取戎獨不顧問之答曰道傍而子多

必苦李驗之果然

龍耳

琴莊美事云崔奉國家

一種李肉厚而無核識者曰天罰乖龍必割其

耳血墮地生此李也

集韻

好事集云王侍中家

堂前有鼠從地出其穴則生李樹花實俱好此
鼠精李也**和甘**晉傳玄云長條四布密葉重陰
夕景迴光傍蔭蘭林於是肅肅晨風飄飄落英
潛實內結豐彩外盈萃質未變形隨運成清角
奏而微酸起大宮動而和甘牛**國寶**梁沈約云
青玉冠西海碧石彌外區化爲中國寶其下成
蹊衢色潤房陵縹味奪寒水朱**玖報**梁王筠云
李華春發彩結實不成蹊逢君重妖麗梭翫入
崇閨慙無瓊玖報徒用萃幽棲**玉衡**唐太宗云

玉衡流桂圃成蹊正可尋鶯啼密葉外蝶戲曉
花心麗景光朝彩輕烟散夕陰暫顧暉章則還
眺靈山林

櫻桃

荆桃

爾雅云楔荆桃郭璞注櫻桃也

含桃

禮記

云仲夏之月天子羞以含桃先薦寢廟鄭玄注

含桃今櫻桃

鶯含

呂氏春秋云仲夏之月羞含

桃高誘注曰含桃櫻桃爲鳥所含故曰含桃

種

種

廣志云櫻桃大者有長八分者有白色多肌

者凡三種**品**國史補云李直方第果品櫻桃

爲三**先熟**傳咸云櫻桃爲樹則多陰爲果則先

熟故種之於廳事之前**華林**晉宮闕銘云含章

殿及華林園有櫻桃**獻果**漢書云惠帝出離宮

叔孫通曰禮有春嘗菓方今櫻桃可獻願陛下

出因取櫻桃獻宗廟諸獻菓自此始**永漢**東觀

漢記云明帝宴羣臣太官進櫻桃以赤瑛盤賜

羣臣月下視之盤與櫻桃同色羣臣皆笑云是

空盤**蠟帛**唐書云李希烈始入汴聞戶曹參軍

賈良女美強取之嘗稱陳仙奇忠勇可用及希
烈死子不發喪欲悉誅諸將自立未決有獻含
桃者賈請分遺仙奇因蠟帛丸雜果中出所謀
仙奇大驚率兵入斬之**和酪**景龍文館記云召
侍臣學士食櫻桃飲餘醪酒並以琉璃盤和之
香酪**夢遺**異聞集云裴元裕羣從中有悅鄰女
者夢遺二櫻桃食之及覺核墜枕側**衣賦**唐書
云蕭穎士李林甫見縑麻欲用之乃召見時穎
士居母喪即憂服詣京師謁林甫於政事堂林

甫見綠麻大惡之即令斥去穎士大忿爲伐櫻

桃賦以刺林甫春就左思云朱櫻春就素柰夏

成擊朱梁簡文帝云倒流映碧叢點露擎朱實

花茂蝶爭飛枝濃鳥相失已麗金釵爪仍美玉

盤橘徒然奉肥甘終以愧操筆勳星蕭穎士云

綴繁英兮霰集駢朱實以星繁今日唐太宗云

華林滿芳景洛陽遍陽春朱顏含遠日翠色影

長津喬柯轉嬌鳥低枝映美人昔作園中實今

來席上珍五見李白云別來幾春未還家玉窗

五見櫻桃花

枇杷

供廟

唐史云建中初詔山南枇杷歲爲次第貢

者取一次以供廟饗

宜都

荊州土地記云宜都

出大枇杷

華山

華山記云華山講堂東有枇杷

園

惠腐

仲長統昌言云今人主不思甘露零醴

泉湧而患枇杷荔枝之腐亦鄙矣

次果

謝瞻云

稟金秋之清條抱東陽之和煦聲寒葩於結霜

成炎果於纖露高臨覽首傍拂階路

負雪

周祗

云枇杷寒暑無變負雪揚華余植之庭園遂賦之云

楊梅

彈丸

臨海異物志云楊梅子大如彈丸正赤五

月中熟熟時似梅其味甜酸

湖陰

裴氏廣州記

云廬山頂有湖楊梅山桃繞其際海人時登採

拾止得於上飽不待持下

貢御

吳興記云故章

縣北有石郭山上楊梅常以貢御

熙安

南越記

云熙安縣多楊梅

聖僧

詩註云揚州人呼白楊

梅爲聖僧

家果

史云楊氏子年九歲孔君平詣

其父設果有楊梅孔指示兒曰此實君家果兒
應聲答曰未聞孔雀是孔子家禽**照霞**江淹云
鏡日綉壑照霞綺燦**龍睛**郭功父云顆顆龍睛
濕深深映石門自憐非荔子不得薦堯閭

荔枝

花實

廣志云荔枝樹高五六丈似桂樹綠葉蓬

蓬冬夏榮茂青華朱實大如雞子核黃黑似熟
蓮子其味如肪柑而多汁似安石榴有甜酸者

至日將中翕然俱赤則可食也一樹下子百斛

移植

三輔黃圖云漢武帝破南越於上林苑中

起扶荔宮以植所得龍眼荔枝菖蒲皆百餘本
南北異宜多有枯悴者荔枝自交趾移植無一
生焉**歲貢**魏史文帝詔云龍眼荔枝南方果之
珍異者令歲貢**夏至**天竺法真云荔枝似冬青
夏至日子亦可食**蒼梧**吳錄云蒼梧多荔枝生
山中人家亦種之**患腐**仲長統云今人主不思
甘露零醴泉湧而患枇杷荔枝之腐亦鄙矣

謹

品國史補云李直方嘗第果實名以綠李爲首

楂梨爲副櫻桃爲三柑子爲四蒲桃爲五或薦

荔枝曰當舉之首**生獻**後漢本紀云永元間嶺

南生獻荔枝十里一置五里一候晝夜傳送唐

羗上書云云詔敕大官勿復受獻**正書**謝承後

漢書云汝南唐羗爲臨武長縣按兗州舊貢荔

枝及生犀羗至上書諫乃止**紅錦**影燈記云唐

玄宗正月十五夜於殿中撒出閭中紅錦荔枝

令官人拾之**曲名**楊妃外傳云貴妃生日長生

殿新曲未有名會南海進荔枝因名荔枝香置

騎開元遺事云玄宗貴妃楊氏嗜荔枝必欲生

致之乃置騎傳送走數千里味色未變已至京

師**竇**圖杜陽編云白樂天在忠州爲荔枝圖寄

朝士姻舊或干以財率不答但畫荔枝圖與之

如雪王逸云暖若朝雲之興森如橫天之葦湛

若大厦之容鬱如峻嶽之勢修幹紛錯綠葉臻

臻灼灼若朝霞離離如繁星**星**暎齊孔稚珪云

綠葉雲舒朱實星暎離離昔聞曄曄今覩信西

岷之佳珍諒東鄙之末識**丹華**王逸云角卯興而靈華敷太火中而朱實繁灼灼丹華吐日離離繁星着天

梨

快果

本草云梨曰快果

山檮

爾雅云梨山檮也

甘棠

詩云蔽芾甘棠勿剪勿伐注甘棠杜梨白

者爲棠赤者爲杜

鹿梨

異物志云鹿梨一名鼠

梨山梨也

鑽梨

爾雅云榲梨曰鑽梨注恐有蝨

故一一鑽之

供御

永嘉記云青田村人家多種

梨梨有一樹名官梨子大一圍五寸用以供獻
名爲御梨**含消**辛氏三秦記云漢武帝園有大
梨如五升落地則破取時以布囊承之名含消
梨**守吏**晉令云諸官秩梨守護者置吏一人**雌**
雄金鑿密記云九仙殿銀井有梨二株枝葉交
結官中呼爲雌雄梨**龍**史記食貨志云淮北
榮陽河濟之間千樹梨其人與千戶候等**鳳棲**
地理志云河中府上貢鳳棲梨**哀家**世說云舊
語秣陵有哀仲家梨甚美大如升入口即消**廬**

棠韓詩外傳云邵伯在朝有司請召民邵伯曰

不勞一身而勞百姓大非吾先君文王之志也

於是廬於棠樹之下百姓大悅詩人見而歌焉

合枝玉讚云太康十年梨樹西枝其條與中枝

合生於玄圃園皇太子令侍臣作頌**飮坐**唐書

云崔遠文才清麗風神峻整當時目爲飮坐梨

言席上之珍**轉枝**童子通神集云房次律弟子

金圖十二歲時次律問葛洪仙錄中事以水玉

數珠手節之凡兩編三百事次律賞以轉枝梨

鳳止

紀異錄云陝州破石縣山中有棠梨一株

甚偉古老相傳云鳳止棠貞觀初有鳳止此樹
其後結實尤大如合掌狀亦黃色馨香脆美他
果莫及刺史韋監爲銘刻石

燒梨

鄴侯傳云唐

肅宗嘗夜坐召頴王等三人弟同坐地爐時李
泌方絕粒上自燒二梨以賜之頴王等曰臣等
請聯句以爲他年故事頴王曰先生年幾許顏
色似童兒信王曰夜抱九仙骨朝披一品衣一
王曰不食千鍾粟惟餐兩顆梨上曰又生此間

氣助我化無爲

蛇蟠

吳越備史云李昇爲安吉

令先是其家有梨結一實如升其父會鄰里共

食即席剖之有赤蛇在實中蛇因走昇母榻下

遂不見旣而其母孕生昇

津潤

蜀都賦云紫梨

津潤

玉潤

耳日記李遵云紫花開處擅美春林

綠蒂懸時回光秋滴離離玉潤落落珠圓

紫實

後梁宣帝云大谷常流稱南荒本足珍綠葉已

承露紫實復含津

玉盤

梁沈約云大谷來旣重

岷山道又難摧折非所怪但令入玉盤

葡萄

大宛

漢記云李廣利為三師將軍破大宛得葡

萄移歸

西域

博物志云西域張騫使西域還得

葡萄

葡萄

漢書云無雷國罽賓國皆有葡萄

三

種

酉陽雜俎云葡萄出於大宛張騫所致黃白

黑三種成熟之時子實逼側

益氣

本草云葡萄

益氣強志令人肥健少饑延年輕身

藏酒

史記

云大宛以葡萄為酒富人藏酒至萬餘石久者

數十歲不敗

秦野

秦州記云秦野多葡萄

新

異國志云龜茲國胡人奢侈家至千斛葡萄漢
使取實來離宮別館旁盡種之**解**魏文帝云
葡萄解酒宿醒掩露而食甘而不餽酸而不脆
冷而寒味長汁多除煩解餽釀以爲酒甘甘於
麴米**珠帳**酉陽雜俎云具丘之南有葡萄谷人
但可就谷中米食或有取歸者即失道世言王
母葡萄也天寶中沙門曇雲因遊諸岳至此谷
得葡萄食之又見枯蔓如指長五尺餘持作杖
還本寺中植之遂活高數仞蔭地幅圓十丈柳

觀若帷蓋房實磊落紫瑩如墜時人號爲草龍
珠帳**設酒**漢武外傳云西王母下降帝設葡萄
酒**得官**續漢書云熒煌張氏家傳扶風孟佗以
葡萄酒一升遺張讓即陞涼州刺史**報繅**北齊
書云李元忠贈世宗葡萄一盤世宗報以白繅
遺書曰忽思葡萄良深愧仰聊因絹百疋以酬
清德**奉酒**隋書云陳叔達嘗賜食得葡萄不舉
帝問之對曰臣母病渴求之不能致願歸奉之
帝泣下曰卿常有母遺乎因賜之**食酒**河東備

錄云楊炎食葡萄曰汝若不澁當以太原食尹

相授**晉賢**雜俎云唐禁中普賢堂葡萄甚美天

后葡萄垂實則幸此堂**結蔭**左太冲云葡萄結

蔭注蔓延而葉密故多陰**限山**鍾士秀云託靈

根於玄圃植岷山之高根**魏**鍾會云託靈

根於玄圃植崑山之高根綠葉蒼鬱皎若重陰

翳羲和秀房陸離泥若紫英乘紫波**珠**穎百氏

集云露垂珠穎重日耀水晶明**寶璫**白居易云

九月肅霜初熟時寶璫碌碌珠累累**馬乳**韓愈

云新莖未徧半猶枯高架支離到後扶若欲滿盤堆馬乳莫辭添竹引龍鬚

胡桃

地產

廣志云陳倉胡桃薄皮多肉陰平胡桃大

而皮脆急捉則碎

西域

博物志云張騫使西域

還得胡桃

常設

荀氏春秋祠制云常設用胡桃

藤子

酉陽雜俎云蔓胡桃出南詔大如扁螺兩

隔味如胡桃或言蠻中藤子也

似藤

晉劔道母

云胡桃本生西羌外剛樸內柔甘質似古賢欲

以奉貢**胡**進梁沈約云挺自禁園味逾井絡動
物迴祇在微必應此胡羯奔逃吉之先見者也

棗

詩云八月剥棗**婦**禮記云婦人之摯棋

榛脯脩棗栗**新**之禮記云棗日新之**重**喬埤雅

云棘大者棗小者棘蓋若酸棗所謂棘也於文

重束爲棗並束爲棘一曰棘實曰棗蓋棗惟重

喬棘則低矣**棗**爾雅云棗壺棗郭璞注今江

東呼大而銳上者爲壺棗壺猶瓢也細腰者爲

藍轆棗又有狗牙雞心羊角牛尾實小而圓紫
黑色者曰羊棗河東倚氏大棗如雞卵曰洗大
棗味苦者曰踈洩苦棗又廣志云穀城紫棗長
二寸西王母棗三月熟梁國夫人棗大白棗名
感谷又三皇棗駢白棗灌棗又有崎廉棗桂棗
夕棗等名**萬年**洞冥記云崂嶧山臨碧海上有
棗樹萬年一實竿之有膏可然燈**玉文**漢武內
傳云老子西遊省太真王母共食玉文棗其實
如瓶**赤棗**神異經云北方荒中有棗林其高五

丈敷枝一里餘子長六七寸圍過其長熟赤如
朱乾枝不縮氣味甘潤殊於常棗食之可以安
軀益氣力核仁劉根別傳云今年春人常病可
服棗核中仁二七枚百邪不干伴問晏子春秋
云景公謂晏子曰東海中有赤水中有棗華而
不實何也晏子曰昔秦繆公乘龍理天下以黃
布裹蒸棗至海而投其布故水赤蒸棗故華不
實公曰吾佯問子耳對曰嬰聞之佯問者亦佯
對如瓶關令尹喜內傳云喜共老子西游與王

毋共食玉門之棗其食如瓶**不食**孟子云魯曾
咎羊棗而曾子不忍食**病**韓非子云秦飢應
侯曰秦有五苑之棗粟足以活人請主發與之
惠王從之**如匏**史記云李少君以却老方見上
曰臣嘗游海上見安期生食巨棗大如匏**去婦**
漢書云王吉少時居長安東家有棗樹垂吉庭
婦取實啖之吉知乃去其婦東家聞欲伐樹鄰
里共請還之**射鵝**東方朔傳云上林獻棗帝以
杖擊未央前殿檻呼曰朔來先生知篋中何物

朔日上林棗四十九枚帝問故對曰呼朔者上也以杖擊檻者兩木也曰朔朔來朔來者棗也此二者四十九也帝大笑賜帛十疋啞死風俗通云鮑焦耕田而飲穿井而食常於山中食棗或曰此棗子所植耶焦遂強嘔吐而死壽弟世說云魏文帝忌弟任成王因在下太后所共園恭啖棗帝毒棗帶中王旣中毒太后索水救之帝豫勅毀噐太后自趨井不能汲遂卒投棗梁史蕭琛傳云琛預御筵梁武帝以棗投琛琛取

栗擲上中而御史丞在坐動色曰此中有人不
得如此豈有說邪琛答曰陛下投臣以赤心臣
敢不報以戰栗上大悅〔塞〕王敦傳云敦尚舞
陽公主如廁見漆箱盛塞鼻棗敦遂食之羣婢
莫不掩口〔烏〕王隱晉書云傅虞爲鄱陽內史

風化大行白鳥集郡庭棗樹〔無〕北夢瑣言云

河中永樂縣出棗無核相傳食之可度世有蘇
氏女自小食之不噉五穀年五十顏如處子〔寒〕

〔骨〕酉陽雜俎云單雄信幼時書舍前植棗年十

八伐爲鎗長丈七尺合乃重七十斤號曰寒骨

三種

異苑云太元中南郡丹陵縣有棗樹忽作

桃李棗三種花實

夏

晉傅玄云繁枝四合豐

茂翳鬱斐斐素華離離朱實脆若籬雪甘如含
蜜脆者宜新當夏之珍堅者宜乾薦羞天人有
棗若瓜出自海濱全生益氣服之如神

九棘

晉

郭璞云建國辨方外朝九棘因材制義赤心

直藹藹卿士亮此袞職

郭

潘岳云周文弱枝

之袞

雞心

簡文帝云風搖羊角樹日映雞心枝

已文安邑美永茂玉門垂**赤心**趙整詩云北園
有一樹布葉垂重陰外雖多棘刺內實有赤心
石榴

塗林陸機云張騫爲漢使外國十八年得塗林
安石榴也**釀酒**扶南傳云頓孫國有安石榴取

汁停盆中數日成美酒**天漿**酉陽雜俎云石榴

甜者謂之天漿能已乳石毒**味絕**又云南詔石

榴子大皮薄如藤紙味絕於洛中**秋嘗**繆襲祭

儀云秋嘗果以梨棗柰安石榴**西域**博物志云

張騫使西域還得安石榴胡桃葡萄

六實

沈約

宋書云晉安帝時武陵臨沅獻安石榴一蒂六

實

如然

鄴中記云石虎苑中有安石榴子大如

盆蓋其味不酸

薦二

北史云齊安德王延宗納

趙郡李祖牧女爲妃母宗氏薦二石榴帝莫喻

其意問魏收答曰石榴房多子兆也帝大喜

碼

碼揚州事迹云李漢碎胡碼碼盛送王莒曰安

石榴奉送莒見之不疑入口乃覺

白馬

洛陽伽

藍記云白馬寺石榴甚甜得者以爲奇異不敢

輒食轉遺親戚至歷數家京師語曰白馬甜榴
一石直牛**珠實**江總云庭榴剖珠實**千房**潘尼
云千房同蒂十子如一繽紛磊落垂光曜質**朱**
房潘岳云暮春告謝朱夏成初新莖擢潤膏葉
垂腴曾華曄以先越含榮鶡其方敷丹暉綴於
朱房細的點乎紅鬚**星懸**應吉甫云丹葩結秀
朱實星懸**絳實**韓昌黎云潜苞絳實拆

栗

楚室

詩云作于楚室樹之榛栗**東門**詩云東門

之栗有靜家室

地產

山海經云終南山上多栗

葛山銅山其木多栗又何晏九州論云中山好

栗**味酸**

埤雅云栗味酸北方之果也

三時

盧諶

祭法云春秋冬三時祀皆用栗

栗品

詩義疏云

栗五方皆有周秦吳楊特饒唯漁陽范陽栗甜

美長味他方不及也倭韓國上栗大如雞子味

不美桂陽有栗叢生甚大又西京雜記云上林

苑有侯栗魂栗魁栗榛栗嶧陽栗

栗品

何晏云

中山好栗

如拳

地理志云諸暨產如拳之栗

小

栗卑雅云榛似梓實如小栗栗屬也又詩云鴈
鳩在桑其子在梅其子在棘其子在榛者蓋先
實者梅後實者棘又後實者榛故其序如此亦
以其榛卑小於棘棘卑小於梅詩以刺之故每
况愈下也茅栗卑雅云江南小栗謂之茅栗此
讀茅爲芋誤也莊子曰狙公賦茅朝三而暮四
衆狙皆怒即此如梨魏志云東夷韓國出大栗
如梨有巢莊子云古者獸多民少皆巢居以避
晝拾橡栗暮栖樹上故命曰有巢氏

禮記

云虞主用桑練主用栗**遠盜**從容錄云凡門以
栗木爲闢夜可遠盜**巴疾**本草云栗能已疾人
有脚弱者啖數升即起**尸侯**漢書云燕秦千樹
栗與千戶侯等**問社**論語云哀公問社於宰我
宰我對曰周人以栗曰使民戰栗**散栗**世說云
王泰之幼敏悟年數歲時祖母散栗於家群兒
競之泰獨不取人問其故答曰不取當自得賜
人皆異之**劉秀**世說云劉秀之爲丹陽尹先是
秀之從叔穆之爲丹陽與子弟宴廳事廳柱有

一穿穆之戲曰汝等試以栗遙擲柱入穿者必
得此郡惟秀之入焉後果驗如李唐書五行志
云長慶三年十一月成都栗樹結實如李燕薦
王逸云西旅獻崑山之蒲桃北燕薦朔濱之巨
果秋實陸玠云貨見珍於有漢木取貴於隆周
英肇萌於朱夏實方落於素秋委玉盤雜椒糈
將象席糝珍羞內潔陸瓊云四時迭盛百果呈
芳綠梅春發紅蓮夏香何羣品之浮脆惟此質
之久長外刺同夫拱棘內潔甚於冰霜固安魏

都賦云固安之栗

菱

爲蔬

廣志云鉅野人菱淮漢以南凶年以菱蔓

爲蔬

去省

國語云屈到嗜菱疾病召宗老屬之

曰祭我必以菱及祥宗老將薦菱屈逮命去之

曰夫子不以私欲于國之典也

食菱

呂氏春秋

云杜厲叔事莒公自以爲不見知居海上夏食

菱冬食橡栗

獨音

漢書云龔遂爲渤海太守勸

民益蓄栗實菱芡

路采

梁書云漁弘爲湘東王

鎮西司馬述職西上道中乏食緣路采菱作飯
給所部論建孫楚云加邊之品菱於存焉楚多
陂塘蓮芡所生父自嗜之而柳按宰祝旣毀就
養無方之禮又失奉死如生之義奪乎素欲建
何忍焉紫角韓昌黎云菱翻紫角利青角白居
易云菱池如鏡淨無波白點花稀青角多時唱
一聲新水調滿人道是採菱歌天盤韓退之云
平地散芡盤鴻頭又云鴻頭排芡刺

柿

土貢地理志云許州土貢柿**壽實**酉陽雜俎云

柿有七絕一壽二多陰三無鳥巢四無虫五霜
葉可翫六壽實七落葉肥大**壽實**唐書云鄭虔
好書常苦無紙慈恩寺貯柿數屋日往取葉書
之歲久殆遍**復生**唐五行志云景雲二年高祖
故第有柿樹自天授中枯死歲久復生**被霜**謝
靈運云裨柿被實於長浦**烏裨**潘岳云張公大
谷之梨梁侯烏裨之柿注梁有烏裨柿世傳之
霜熟韓昌黎云霜天熟柿栗

橘

璇星

春秋運斗樞云璇星散爲橘

錫貢

書禹貢

云淮海惟揚州厥包橘柚錫貢孔安國曰小曰橘大曰柚錫貢言不常貢也

秋實

周禮云秋食

橘柚

爲枳

周官云橘踰淮則爲枳地氣使然又

晏子春秋云晏子使楚楚王使縛盜而至曰齊人也善爲盜乎晏子曰橘生江北爲枳水土異也今在齊不盜入楚則盜豈非水土之使然

木

襄陽

記云李叔平種橘千樹告其子曰龍陽

洲上千頭木奴歲得絹數千匹**不御**崔寔云橘

柚之實堯舜不常御**澤洲**湘中記云橘洲在長

沙縣西南四里江中大水時洲皆沒此洲獨存

人寰牛記云湘潭無底橘洲浮**宜屍**崔寔云橘

宜見屍則多子故云橘覩屍而實繁榴得骸而

葉茂**不割**晏子春秋云晏子使楚楚王進橘置

削晏子非食不割王曰橘當去割對曰臣聞之

賜人主前者爪桃不削橘柚不割今者萬乘元

教故不割臣非不知也**東晉**後漢書云張翥爲

廬陵太守時有卒遺其子兩枚柑鞭卒曰何以
賂吾懷三吳志云陸績年六歲於九江見袁術
出橘績懷三枚去拜辭墮地績曰欲歸遺母術
大奇之績績世說云庾亮爲平西將軍進橘
十二實共一帶群臣賀不取南史云虞愿始數
歲園中橘熟諸兒競採愿獨不取家人皆異之
貢橘益都耆舊傳云楊由爲成都文學掾少治
易曉占候忽有風起太守問由由曰南方有薦
果者實色黃赤頃之五官掾貢橘數包納貢唐

書云柳玘爲嶺南節度副使屏中橘熟旣食乃
納直于官**分貢**劉晏傳云江淮茗橘珍甘常與
本道分貢競欲先至雖封山斷道以禁前發晏
厚貲致之常冠諸府**賜柑**明皇雜錄云帝使中
官輔璆琳賜安祿山大柑因察非常**平**異文
集云柳毅持龍女書見洞庭君叩海岸橘樹即
召入水府**橘叟**幽怪錄云巴郡人家有橘園霜
後橘盡餘大橘如三斗盎已剖開中有二隻脣
眉嚙然肌體紅明相對象戲談笑一隻曰橘中

之樂不減商山但不得深根固蒂耳

布

唐拾

遺云益州每年進柑子皆以紙裹他時長吏慮紙不敬代以納布

豐城

江淮異人錄云陳允升

奸道術撫州危金調迎置郡中嘗夜坐危謂之曰豐城橘美頗思之允升曰方有一船橘泊豐城港今爲取之港去城十五里少退即還携一

囊橘數百枚

素榮

楚辭云綠葉素榮紛其可喜

兮曾枝剌棘園果搏兮精色內白類可任兮紛緼宜修姱而不醜兮

非陋

張華云橘生湘水側

非陋人莫傳逢君金華晏得在玉階前斬伐楚

辭云斬伐橘柚列樹苦桃注云亦退賢進不肖

之喻梁霜郭璞云厥苞橘柚精者惟甘實染繁

霜葉鮮翠藍霜朱梁范雲云萬條結寒翠園實

變霜朱徒根楚州上來覆廣庭隅朱苞梁沈約

云綠葉迎露滋朱苞待霜潤但令入玉盤金衣

非所恡瓊漿梁簡文帝云菱花映庭樹枝葉凌

秋芳故條雜新實金翠共含霜攀之折其杪甘

旨若瓊漿無假存雕飾玉盤余自將懸金周李

元操云嘉樹出巫陰分根徙上林白華如散雪
朱實似懸金布影臨丹地飛香度玉岑自有凌
冬質能守歲寒心貞枝李德裕云貞枝凝碧蔚
湘岸之夕陰華實變黃動江潭之秋色

柚

如斗

廣志云成都柚大如斗

似橙

呂氏春秋云

果之美者有雲夢之柚柚似橙而大於橘故兩
同書曰執錫分銀操橙證柚一名條秦風所謂
有條有梅爾雅亦云柚條也已歐列子云吳楚

之國有大木其名爲櫟食其皮汁已憤厥之疾
齊州珍之渡淮而化爲枳故曰橘柚有鄉荏蒲
有叢

甘

壺甘 周處風土記云甘橘屬也滋味甜美特異
有黃者有賴者謂之壺甘 **黃甘** 廣志云有黃甘

一核有成都平蒂甘大如升色蒼黃鍵爲南安
縣出黃甘 **宜都** 荊州記云宜都郡舊江北甘園
名宜都甘 **更生** 范甯云南昌西平里有甘樹枯

死一歲更生枝葉豐茂今多作子

懷遠

述異記

云南康郡東望山有三人入山中頂有果林衆果畢植行列整齊如人功甘子止熟三人共食致飽懷二枚欲示人聞空中語云惟放雙甘乃聽汝云

韻藻

宋謝惠連云嘉寒園之麗木美獨

有此真芳質歲蕤而懷風性耿介而凌霜擬夕霞以表色指朝景以齊圓侔萍實乎江介超玉果於崑山

懷遠

梁徐陵云朱實挺荆南苞品擅

珍淑上林雜嘉樹江潭間修竹萬室擬封家千

株挺荆國綠葉萋以布素榮芬且郁得陳終晏
歡良垂雲雨育**圓堂**朝齊云三秋迭運初寒履
霜壺形既北圓質輝輝**連條**劉瑾云伊冥造之
綿綿兮麗羣象於成遇嗟卉草之森秀兮將歸
美於甘樹誕寄生於南楚兮播萬里而東布浸
冷泉以搥根兮竦逸條以承露結密葉以舒蔭
兮滌纖塵以間素仰清氣以旭晨兮流惠飈於
薄暮

瓜

象形

說文云瓜象形也辨瓜實也

瓜瓞

詩云綿

綿瓜瓞民之初生注大曰瓜小曰瓞綿綿不絕也瓜近本初生常小其蔓不絕至末始大

水芝

水草經云水芝者是白瓜甘瓜也

爲魚

莊子云

朽瓜化爲魚物之

也

西華

龍魚河圖云瓜有兩

鼻者殺人

青燈

神仙傳云青燈瓜大如三斗魁

玄表丹粟呈素含紅攬之者壽食之者仙

瓜品

廣志云凡瓜之所出以遼東盧江燉煌之種爲美有魚瓜縑瓜狸頭瓜蜜筒瓜女臂瓜大瓜如

斛御瓜也有青燈瓜大如三斗魁有桂枝瓜長
二尺餘蜀地溫良瓜至冬熟有秋泉瓜秋種冬
熟又廣雅云龍蹄獸掌羊骸兔頭瓜屬也**乃瓜**
大戴禮云五月乃瓜乃瓜者治瓜之辭也瓜也
者始食瓜八月剥瓜蓄瓜時也**削瓜**禮記云爲
天子削瓜者副之巾以緇副所也旣削又四折
之乃橫斷之而巾覆焉爲圍君者草之巾以綵
華中裂也不四折也爲大夫累之累保也謂不
巾覆也士寔之不中裂橫斷去寔而已庶人斲

之不橫斷乾齧也副音必華音話**至玄**黃庭經

注云大霍山下洞壺司命君府中有靈瓜食之

者至玄**食瓜**詩云七月食瓜**馴短**詩云疆場有

瓜是剥是茹**聚**周禮地官云委人掌畜聚物

瓜**應芋葵****水漬**博物志云人以冷水自漬水至

腠可頓數噉十枚瓜漬至腰啖轉多至頸可啖

百餘枚所漬又皆作瓜氣瓜味**瓜譜**左傳云齊

侯使連稱管至父成葵丘瓜時而往曰及期而

代**素葉**洞冥記云有龍府瓜長一尺花紅葉素

生於米谷所謂米谷素葉之瓜**外圃**右文瑣語

云初刑史子臣謂宋景公曰從今以往五祀臣死自臣死後五年五月丁亥吳亡以後五祀八月辛巳君薨刑史臣至死日朝景公夕而死後吳亡景公懼思刑史臣之言將死日乃逃於瓜圃遂死焉求得已蟲穴**續灌**質誼書云梁大夫宋就爲邊縣令與楚隣界梁楚邊亭皆種瓜梁亭力灌其瓜美楚人窵而希灌其瓜惡楚令忌之因令夜竊搔梁瓜梁人欲往報搔宋就曰是

搆怨不可乃令人夜往竊爲楚灌瓜楚令大愧
因具聞王王謝以重幣故梁楚之驪由宋就成
輒根家語云曾子芸瓜而誤斬其根曾皙怒大
杖挈其背曾子仆地有頃乃蘇孔子聞之告門
弟子曰參來勿內也曾子使人請孔子子曰舜
之事瞽叟得小杖則受大杖則走今參事父委
身以得暴怒身死陷父於不義不孝孰大焉**自**
生吳越春秋云吳王夫差爲越所收遁而去得
自生之瓜食之**絳寶**南岳夫人傳云夫人姓魏

名華性樂神仙季冬之月夜半清明有真人至
靜陳玄室賜絳實靈瓜

坑儒

史記云秦始皇密

令人種瓜於驪山硎谷中溫處瓜實成使人上

書曰瓜冬實有詔下博士諸生說之人人各異

則皆使往睨瓜所因爲伏機坑上諸儒生至方

相難不決因發機填之以土皆壓死

東陵

漢書

云郡平者秦故東陵侯也秦破爲布衣種瓜長

城東瓜美故安世號東陵瓜從郡平始也青門

亦東門也

得屍

會稽志云後漢曹娥父溺死娥

見瓜浮而得屍祥異漢書云哀帝二年瓜異本

同蒂共生一瓜時以爲嘉瓜又李融爲政得人

有祥瓜生六子共蒂自給吳志云步騭避難江

南單身窮困種瓜自給灌園吳錄云姚俊常種

瓜菜灌園以供衣食時人或餉一無所受勿種

搜神記云徐光常行術於市從人乞瓜勿與便

從索辨杖地而種之俄而生蔓開花成實乃取

啖之因及于衆鬻瓜者反視所有皆亡耗矣開

道晉書云桑虞家園瓜熟有盜者虞以園籬多

棘刺使人開道盜出見之乃還瓜叩頭請罪虞

因與之**非葬**齊書云韓虞斂兄靈珍早孤並孝

性母沒貧不能葬共種半畝瓜朝採暮生遂辦

葬事**少師**後魏郭祚傳云祚領太子少師肅宗

幼弱祚懷一黃鰥出奉肅宗時趙桃子深爲世

宗所信祚私事之人號爲桃子僕射黃瓜少師

投瓜梁史云任昉亡高祖方食瓜聞之投瓜悲

不自勝**輟祭**唐書云太宗食瓜美思杜如晦輟

其半使祭之**三度**舊唐書云貞觀四年夏右神

策軍獻瑞瓜三蔓合爲一蒂而生三瓜實獻唐

書陸贄傳帝幸梁有獻瓜果者帝嘉其意欲授以官贄曰爵位天下公器不可輕也今獻瓜一器果一盛則受之彼忘軀命者有以相謂矣曰吾之軀命乃同瓜果瓜果草木也若草木然人何勸哉名亭聞見錄云呂文穆蒙正在讀書龍門行伊水上見賣瓜欲之不得賣者遺一瓜公愍然食之後作相買園洛城東南起亭其傍以瓜名不忘貧賤也晉阮籍云昔聞東陵瓜

近在青門外連畛距阡陌子母相居蒂五色曜
朝日嘉賓四面會**金榮**晉陸機云發金榮於秀
超結玉實於宗柯蔽翠景以因育綴修莖而星
羅丹粟晉張載云羊骹虎掌桂枝蜜筍或云玄
表丹裏呈素含紅豐膚外偉綠瓤內醲甘粗夏
熟丹禁含芳朱李零於桂圃葡萄潰於椒床雖
茲肴之孤起莫斯瓜之允藏起椰子於南海越
橘柚於衡陽**瓊**梁元帝云金榮始薦瓊蓋載
珍味奪蔗漿甘踰石蜜**黃**劉楨云三星在隅

溫風節暮枕翹於藤流美遠布黃花炳晔潛實
獨著豐細異形圓方殊務晉傳晉傳玄云調玉
下種播之有經應運役時圓甲徐生遂日就而
月將既成實而盤榮黃逾金網青侔含翠雖貍
首之甘美未若東野之奇偉霜柳河東云霜
蔓縋寒瓜抱蔓李必云種瓜黃臺下瓜熟子離
離一摘使瓜好再摘使瓜稀三摘猶自可四摘
抱蔓歸

芭蕉

芭苴

廣志云芭蕉一曰芭苴或曰甘蕉莖如荷

芋重皮相累大如盂斗葉廣尺長丈有角子長六七寸四五寸二寸三寸兩兩共對若抱皮色黃白味似葡萄甜脆亦飽人其莖解散如絲績以爲葛謂之蕉葛出交趾建安亭類南州異物記云甘蕉草類望之如樹株大者一圍葉長丈華大如酒盃形色如芙蓉著莖末百寶隨華長每華一閣各有六子先後相次子不俱生華不俱落蕉有三種有子大如指者長而銳有似芋

角名羊角蕉味最甘好一有種子大如雞卵者
有似羊乳微減羊角有大如藕長六七寸者形
正方少甘取其闔以灰練之績以爲布亦嚴遊
名山志云赤巖山水石之間有甘蕉林高者十
丈密藏南方草木伏云蕉樹子房相連累甜美
亦可密藏兼園梁沈約云柚葉固盈丈擢本信
兼園流甘揜庭實弱縷冠綸衣夜梁徐摘云
板殘心於孤翠植晚翫於冬餘枝橫風亦碎色
葉漬雪而傍枯非米卞敬宗云扶疎似樹質則

非木高舒垂蔭異秀延馥厥實惟甘味之無足
甘蔗

石蜜

廣志云甘蔗其錫爲石蜜

如蜜

神異經云

南方荒內旰晷林有蔗高百丈圍三丈八尺促
節多汁甜如蜜

似蜜

南中八郡志云交趾有甘

蔗圍數寸長丈餘頗似竹捩而食之甚甘竿取
汁曝數時成膏入口消釋

爲杖

魏文帝典論云

常與奮威將軍鄧展共飲酒酣耳熱方食甘蔗
使以爲杖下殿數交三中其臂左右大笑

三節

廣志云三節蔗一丈三節也**佳境**世說云顧凱

之爲虎頭將軍每食蔗自尾至本人或問之對

曰漸入佳境**窄濬**西域傳云太宗遣使往摩揭

陀取熬糖法詔揚州上諸蔗窄濬如其劑色味

愈西域遠甚**愈症**江南野史云盧絳中疴疾逾

月不愈忽夢一白衣婦人謂之曰子疾當食蔗

可愈詰朝見甯蔗者絳乏甚探囊中唐韻一冊

欲易之其人曰吾輩負販者安用此乃貽數挺

絳啖之至旦疾捐**疾所**曹植云都蔗雖甘杖之

必折巧言雖美用之必滅歌醴張協云凡秋良
朝玄酎初出黃花浮觴酣飲累日控斯蔗而療
溺若嗽醴而含蜜

類雋卷第二十八終